



BIBLIOTEKA  
UNIW. JAGIEL.  
KRAKÓW 1919

379855

379855

Mag. St. Dr.

III

1404






379855

III








ALFED

Clavonien Exemptionis  
Super Bone Jure



ROME



## Cracovien. Exemptionis

## Super Circumscriptione.

Stantibus &amp;c.

*In eadem Rota ut  
supra responsum**Affirmative**Vide Decisionem Dni  
ab initio operis.*Dubium = *An sit locus Circumscriptioni in casu &c.*

**Rev. Pater.** Pertinet hoc Dubium ad Circumscriptionem tantum eorum Actorum, & Mandatorum, quæ Promothor Fiscalis Curiae Cracoviensis, non obstantibus Apostolicis Exemptionis nostræ Privilegiis, nec obstante pacifica ejusdem Exemptionis possessione, nilque demum juvantibus specialissimis Superiorum Judicum Inhibitionibus, ausit in Curia sua, vices una simul gerens Partis, & Judicis, gerere, ac relaxare contra Reverendissimum D. Generalem Præpositum, & Religiosos Conventus de Miechovia: In antea acta Causæ Propositione quemadmodum irresolutum extitit principale Negotium, ita redditum æque fuit huic accessorie Contentioni Rescriptum = *Dilata* = Sed cum hodie redeat ad iudicium Reverendissimorum PP. Causa principalis, hinc quo magis confidimus, illam iri definitam juxta Vota Reverendissimi Principalis, eo certius præstolamur, huic oblato Dubio fore responsuros = *Affirmative* =, velut humiliter etiam imploramus.

Et plane quoties ex Pontificiis Privilegiis concessis Ordini Canonicorum Regularium Sanctissimi Sepulchri, eorumque Generali Præposito Miechovien. interdictum erat omnibus Archiepiscopis, Episcopis, & aliis Locorum Ordinariis, ne in Præpositum de Miechovia, Fratres, & alios Exemptos hujusmodi Jurisdictionem, Superioritatem, Visitationem, Dominium, aut potestatem aliquam exercerent, uti latissime testantur tot Apostolicæ Bullæ, & maximè Leonis Papæ X. postremo loco confirmatæ a San. Mem. Innocentio XI., quas uberri- me recenset, explicatque *contemporaneus Restrictus super Exemptione a §. 2. ad 15., & §. 32. & seqq. ad 38.* Quoties præterea iidem Generalis Præpositus, & Fratres Ordinis sui in dictæ Exemptionis plenaria Possessione tranquille quiescebant, ceu apprimè commonstrant tot jurisdictionales Actus, tot Episcoporum disertissimæ Confessiones, tot ineluctabilia, eaque judicialia Monimenta, ac ipsa præsertim, quæ nulla ratione potest evelli Sacri hujus Tribunalis Sententia edita anno 1760. contra Episcopum Præmisliensem, & in auctoritatem prolapsa Rei judicatæ, quæ omnia cum geometrica quasi demonstratione, & claritate refert *idem Restrictus §. 43., & seqq. ad §. 49.* jam suomet ingenio consequens fuit, ut Circumscriptionis ope debeat obliterari id omne



omne, quod à Promothore Curiae Episcopalis Cracovien.  
gestum temerè fuit contra Exemptos Principales in vilipen-  
dium suorum Apostolicorum privilegiorum, læsionemque  
pacificæ illorum possessionis, & observantiæ, ut ad rem fir-  
mavit *Rot. in Ratisbonen. Jurisdictionis super Manutentione*  
*15. Junii 1764. §. 7. coram Eminentissimo Zelada.*

3 Nec replicetur, quod in concernentibus Animarum Curam,  
& in Spiritualibus valeat Episcopus exercere suam ordina-  
riam jurisdictionem etiam in Exemptos absque ulla nullita-  
tis labe secundum sancita in Constitutione San. Mem. Bene-  
dicti XIV., quæ incipit = *Ad Militantis*; Quandoquidem in-  
applicabilis omninò est hypothese objecta Benedictinæ Con-  
stitutionis censura. Alii quippe Actus sunt, qui respiciunt  
regimen temporale Ordinis nostri; Alii verò, qui spectant,  
respiciuntque ejusdem Ordinis Spirituale. Primi sanè Actus,  
sive prætensiones a Fiscali Cracoviensi excitatæ in Curia  
sua pertinent ad solutionem assertarum Decimarum facien-  
dam noto Viro *Cyrillo Zuchovvski*, ad revocationem juris  
creandi Notarios, ad comportationem Privilegii Prothono-  
tariatus, ad dimissionem juris deputandi Fiscalem, & exten-  
dendi pænas adversus Religiosos Ordinis, ad abrogationem  
pænarum inflictarum prædicto Zuchovvski, & ad alia hujus  
generis, ut recolligere quisque potest ex præterito nostro  
*Summario numer. 49. litt. A. ad N.* Si autem perspicuum est,  
hujus naturæ Actus nil involvisse Spiritualitatis, sed dum-  
taxat respexisse gubernium temporale Ordinis, ex disposi-  
tione Juris pertinens ad Generalem Præpositum, perpetuò  
firmum, constansque remanet, eos Actus nonnisi in spre-  
tum Exemptionis fieri potuisse in Curia Cracoviensi.

4 Cæteri autem Actus utcumque viderentur concernere Ani-  
marum Curam, & Spirituale regimen, prout sunt tria  
illa non sine stomacho recolenda Mandata Curiae Epi-  
scopalis, *primum* nempe Prohibitionis usus Pontificalium  
Generali Præposito; *alterum* Suspensionis Confessario-  
rum Ecclesiæ Miechovien., *postremum* verò publicationis  
Censurarum, & affixionis Cedulorum contra eosdem  
Generalem, & Religiosos Conventus Miechovien., cum  
adjuncta illa damnatissima inhibitione Procuratoribus, &  
Notariis quibuscvis, ne Principalium nostrorum ullam susci-  
perent defensionem, hi, inquam, Actus, qualescumque  
fuerint, semper coinquinati redeunt nullitatis vitio: Con-  
stabilito enim in contemporanea nostra *Allegatione super Cura*  
*Animarum*, quod Conventus de *Miechovia* sit *Caput Ordinis*,  
ibique suam habeat Ordinariam Sedem *Generalis Præpositus*  
Principalis, in proclive descendit, ut nec quoad Curam  
Animarum ullam sibi posset arrogare Jurisdictionem Episco-  
pus, advocandi in Curia sua Religiosos Exemptos Principa-  
les. Vetabat namque id Tridentini Concilii dispositio in  
*cap. 11. sess. 25. de Regular.* Vetabat, & ipsa particularis  
Con-



Constitutio ejusdem Pontificis *Benedicti XIV.* incipien. = *Firmandis* =, cujus virtute sciunt omnes, ab *Episcopi jurisdictione, Visitatione, & correctione etiam in his, quæ ad Animarum Curam, & Sacramentorum Administrationem, spectent, declaratos esse Exemptos tam Sæculares, quam Regulares Parochos, qui Animarum Curam exercent in iis Monasteriis, seu Locis, in quibus Abbates Generales, aut Capita Ordinum Sedem Ordinariam principalem habent, ut ex §. 13. laudatæ Constitutionis, quam plene adduximus in nostra Allegatione super Cura Animarum. Quo magis ergo ad salvanda turpissima Mandata Curæ Episcopalis extranea est allegata Constitutio *Ad militantis* edita à *Benedicto XIV.*, eo certius relata altera Constitutio ejusdem Pontificis, quæ casui nostro convenit, obliterat, inficitque id totum, quod Episcopalis Curia gessit in Religiosos Conventus *Miechovien.*, ubi residet Generalis Præpositus, & Caput Ordinis.*

5 Inevitabiliter vero locus esse debet Circumscriptioni eorum Mandatorum, eo quia relaxata fuerunt postquam, ad instantiam Reverendissimi Generalis præsentatum jam fuerat Episcopali Curæ Monitorium exportatum ab A.C. super observatione Apostolicorum Privilegiorum, necnon manutentione in Possessione plenariæ Exemptionis ab omni Ordinaria Jurisdictione, ac respectiva Circumscriptione omnium Actuum exadverso factorum in spretum dictorum Privilegiorum, cum specialissima adjecta Inhibitione, ne quidquam è contra innovaretur, eoque minus idem Generalis, & Religiosi sui Conventus *Miechoviensis* quoquomodo molestantur, ut in præterito Summario num. 50. litt. C., & num. 51. litt. B., & D. Si autem sufficit sola ostensio Privilegii Exemptionis, ad hoc ut Episcopus debeat supersedere, donec coram Superiore cognoscatur de jure suo; quanto magis hoc est affirmandum, quando, UT HIC, sumus in claris, Ræm Conventum non esse de sua Jurisdictione =, ut arguit in hæc verba *Rot. citata decis. 47. num. 26. part. 15. Recent.*

6 Et plane nullitas contrariorum omnium Mandatorum, & Citationum comperta adeo fuit Reverendissimo Apostolico Nuncio, ut ne momento temporis hæsitaverit ille suo cum definitivo Decreto = *Eadem OMNIA MANDATA, Citationes &c. alias ATTENTATE, ET IN SPRETUM AUTHORITYS SANCTÆ SEDIS emanata, suspendere* = ut patet ex dicto præterito Summario num. 52. : Quid itaque plura ad obtinendam hodie dictorum Mandatorum Circumscriptionem? Si jam illa ex decreto Sacræ Nunciaturæ declarata fuerunt attentata, & in spretum S. Sedis emanata; Si ab hocce decreto Contradictores nostri nullam curarunt interponere Appellationem, jam res acta videtur, nec fieri aliter restat, quam ut à judicio Sac. Tribunalis eadem Mandata omnia, quæ definitivo Nunciaturæ decreto canonizata jam fuerunt attentata, & in spretum Sanctæ Sedis emanata, ho-



hodie Circumscriptionis remedio tollantur?

7 Ad elidendam efficaciam hujus Nunciaturæ decreti, quod altè percutit Adversarios, perditissimum est diffugium petendi Circumscriptionem, tum ipsius decreti, tum & Actorum à Nobis factorum coram A.C.; Num enim Adversariis libet nobiscum ludere? Porro ii in *Commissione* porrecta Tribunali Signaturæ Justitiæ non somniarunt umquam postulare Circumscriptionem dictorum nostrorum Actorum, sed tantum petierunt Avocationem Causæ Exemptionis ab A.C. Gavotto, coram quo per viam supra recensiti Monitorii fuerat à Nobis introducta, ejusque remissionem ad Sac. Concilii Congregationem, ut sunt verba ejusdem Commissionis ibi = *Dignetur ideo S. V. oretenus injungere R. P. Auditori Signaturæ, ut committat ad Sacram Congregationem Concilii Causam, & Causas, de quibus agitur, unacum omnibus suis incident. &c.* = Cum vero huic Commissioni datum fuerit rescriptum = *Ad Rotam una cum Monitorio, & tamquam in prima etiam cum facultate circumscribendi* =, utique quisque videt, quod facultas ista Circumscribendi intelligitur quoad Instantiam nostram pro Circumscriptione contrariorum Actorum contentam in ipfomet Monitorio, de quo in *preterito Summario num. 51. litt. B. & D.*, numquam vero intelligi potest quoad Acta nostra facta coram A.C., & coram Reverendissimo Nuncio. Jam igitur si facultates suas metitur Sac. Tribunal à Commissione; si concordatum desuper Dubium pertinet tantummodo ad Circumscriptionem contrariorum Actorum, fieri numquam potest, ut audiantur Adversarii in ea, quam ad ingerendam confusionem, hodie suscitant querelam Circumscriptionis Actorum A.C., & S. Nunciaturæ; potissimum vero, cum nullum ab ingenio contrariorum Defensorum adducatur vel à longe nullitatis, aut attentati vestigium.

Quare &c.

*Dominicus Franci.*

R. P. D.

A Z E D O

Cracovien. Exemptionis  
Super Circumscriptione.

P R O

Rmo D. Matthæo Buydecki Prapósito  
Generali Canonicorum Regularium  
Ordinis SS. Sepulchri.

C O N T R A

R. D. Promothorem Fiscalem Curie  
Episcopalis Cracovien.

Gg

Facti.


20

Typis Lazzarini 1777.



to  
a  
2  
2







P. P. DOM KSIĄŻKI  
— ANTYKWARIAT —

\* 008290

sidr0022383



Biblioteka Jagiellońska



